

致各位中五同學：

你在讀這一科大概有兩個可能。第一，你是自願地選這一科而進來的。第二，你是未獲分配到自己心儀的選修科而被「篩」進來的。不論你是前者或後者，都不重要。簡單（或許你認為殘酷）的現實是：兩年半後（假設同學們沒有免費重讀的需要）你便要步進試場應考這一科。

期測剛剛過去。未知大家有否考得理想成績。正所謂「勝不驕，敗不餒」。如果你的成績理想，先恭喜你。同時請記住：「勝不驕」，往後也要繼續努力。成績未如理想的，儘管記住：「敗不餒」。只要你繼續努力，找出測驗失手之處，加以改善，考試可以「救」你一命。收到卷不要看過分數和答案，核對分數有沒有計錯後就把試卷丟掉。找出失分之處才是關鍵。

或許你認為現在教的課程很淺易，上課不聽書（或者只聽一會）也能輕易掌握。營商環境、管理導論等內容很悶、很無聊，聽不入耳。儘管如此，請你仍保持上課聽書的習慣，不要「釣魚」。原因簡單。你覺得某課題無聊沒趣，你回家後更沒有溫習該課題的動力。靠上課聽書和抄寫筆記去增強自己對該課的印象應比自修更有效。

中四的內容是往後課程的基礎（特別是會計部份）。如果你覺得已掌握所學的內容，不妨做一下相關練習，測試自己的能力。營商環境那些背書的部份，不妨多看看歷屆試題(Past Paper)的考問方式、評卷標準(Marking Scheme)。這樣可以令自己的答案更準確，同時避免把所有筆記上的內容不作篩選地「背默」出來。只靠上課聽書、單純用眼「閱讀」筆記而不做練習是不足以令你考取好成績的。

和我相熟的師弟妹大概會聽我這樣說過：「BAFS 這科的死亡率可謂頗高。中四時，大家都讀得開心。大不了是下學期比較多內容要背，但只要肯溫習，成績表上的分數要有六成並不難。中五上學期考試時大約會剩下 50% 生還者、下學期更少，到中六應考時大概有 10%-15% 同學還撐得住。」

提到有效率，同大家做個突擊測驗，試寫出管理中效率的定義：

效率：_____

如果你寫唔出，係時候攞翻中四管理導論第五章筆記出黎溫下，同時要反省下剛剛過去既暑假做過啲咩黎。

要令自己進步、升 Grade，我建議大家完成以下事項：

1. 訂立個人目標

人各有志。並非每位同學均以考入八大作為個人目標。同學可以先考慮自己的興趣、選定一個心儀的科目（如：工商管理 Business Administration）。如自己的目標清晰，可以選定主修科目 (Major)，如會計、經濟等。呢個目標除左比倒動力你溫書以外，對你既 JUPAS Essay 亦有好大影響！

2. 以古為鑑，參考往績

前往以下網站，參考有關 Programme 在 2012, 2013 兩年度的收生成績

- http://www.jupas.edu.hk/upload/useful_material/af_2012_1.pdf (JUPAS)
- <http://www.atu.hk/adm-grades.php> (Admission To University, ATUHK)

以往的收生成績可以給予自己一個可量化的目標，同時給予自己一個進步、追求更佳成績的動力。與此同時，個人可估計自己的成績，評估與以上收生成績的差距，從而針對未達標的科目加強操練，從而拉近個人與目標的距離。

**目標為海外升學 / 非八大的同學：請留意有關院校提供的資料。

3. 去唔同大學既 Information Day

9月中至10月期間，八大會分別有佢地既 Info. Day. Info. Day 會介紹大學唔同既 programme, 唔同學院、大學既特色等等。個別大學或者會有 Hall tour, 等大家去參觀下宿舍既環境。去唔同院校既 Info. Day 可以增加你對大學既認識，比你感受下間大學既環境、氣氛同你所想既係咪一樣。更重要既係去聽你想入既 prog. 既介紹講座，攞多啲資料同理比自己一份對大學既憧憬，為之後 7 個月既溫習帶來動力。

當你從以上途徑攞到溫書既動力，就可以準備開戰。

係講點樣應付 BAFS 之前，先講一個大原則：

有效率地溫一小時遠勝於呆呆滯滯地溫足一日！

How to tackle Business, Accounting & Financial Studies?

Part ONE：核心部份

講核心部份或者大家唔係好知咩黎。簡單黎講，背書野。姐係黃色書、綠色書、紫色書。黃色書（營商環境 & 管理導論）

- 先背熟概念，常出的 SMART、4Ps、領導風格等等非背不可
- 先記大標題，後記內容。其實唔少內容只要記得標題都可以吹得出

例：影響企業運作的一般環境因素/宏觀環境因素

→ 先記得：經濟、社會及文化、自然地理、政治、法律因素

→再延伸：經濟因素→稅率 / 收入 / 匯率 etc.

- 多嘗試把概念套用人情景內。避免熟讀概念但不懂運用於答題中。

例如：iPhone 電池爆炸→可能和 “營運管理→品質管理” 有關

要訓練此技巧，操練 AL 企業概論（即中四派的 PastPaper, 高考部份）頗有幫助。

紫色書 - 基礎個人理財：

- 優先溫(死都要讀)：有關計數的內容，即現值、未來值、淨現值、利息計算方法(平息、折扣、單利)
- 第二優先(除非有時間否則都要讀)：Ch.6 存保計劃、各金融機構的功能/作為投資者的權責、Ch.3 作出投資的考慮因素(風險與回報)、略記不同投資產品/工具的風險高低、Ch.4 循環/非循環信貸
- 第三優先(目標 Level 4 or above OR 覺得自己吹水掂既)：吹水類型：不同年齡組別人士的財務需要、保持良好信貸記錄的重要性 等等
- 目標 5 級或以上：Chapter 1(個人、商業、投資銀行的角色，不同類型證券的風險與分別、初級市場 vs 次級市場、互惠基金等等)、(如果你 handle 倒：Ch.2 年金現值)

綠色書 - 會計導論：

唔好以為自己讀會計選修就可以忽視呢本書。呢本書入面有啲冷門野真係要睇翻先記得。舉例：

1. 試指出拒付支票(支票未能成功兌現)的 3 個原因
2. 試寫出會計循環的各個步驟
3. 編製零用現金簿
4. 編製試算表，試算表上的存貨應為期初/期末存貨？
5. 購貨簿上的總額應在期末過帳至(應收賬款分類帳/應付帳款分類帳/總分類帳)的 (購貨/應付帳款/應收帳款) 內？
6. 營業折扣/貿易折扣/交易折扣 vs 現金折扣 的分別？
7. 試舉出虛帳戶、實帳戶、人名帳戶的例子？

如果你未能 100%答中以上 7 題，或者有所猶豫，請你記住：唔好唔溫綠色書！

Part 2 選修部份 - 會計單元：

Ch.1 - 3：相信 80% 既人都唔記得呆帳準備點樣入，應計預付既承上餘額 餘額轉下撈到亂，折舊變賣既入帳方法已經係腦袋入面消失左。無需多講，請溫書。溫完做題目

Ch.4：銀行往來調節表，概念比操卷更重要。死操卷之前確保自己搞得清楚咩項目改自己現金簿，咩項目要係銀行往來調節表調整。壞帳、壞賬收回、拒付支票及期票等常見既項目要明白點樣入帳。唔明既話，即使操得熟 2002-2011CE，都一定做唔掂 2012DSE。

唔知我講係上面幾段字咩既話，證明你未操熟 Past Paper。

Ch. 5-7 & Ch.16: 統制帳 / 錯誤更正 & 不完整會計記錄：可能係大家最驚既課題。同 Ch.4 一樣，Concept 比一切更重要。要識更正錯誤，就要識做正確既會計分錄。所以見倒啲呆帳準備多少計 / 完全漏計變賣固定資產並已計算該年度折舊 等等既項目時，先要記清楚 Ch.1-3 學過既野，再做更正。如果唔記得既話，收手吧！打好基本功再來吧！

至於不完整會計記錄，只不過係推理遊戲。小心唔好計完賒銷(購)就當係銷(購)貨而遺漏現銷(購)等低級錯誤。做熟就知每一題做既野都係差不多，無咩特別。

Ch. 8-11：合夥會計，要特別留意損益分配比率改變、重估同商譽分配、幾時用新比率、幾時用舊比率等。一定要溫常見既寫字題目：合夥契約內的 x 項內容、分別設立往來帳及資本帳/使用固定資本法的原因

Ch.12 - 13：有限公司。留意 Ch.12 股票與債券發行既會計分錄。唔好睇少呢一課，呢一課足以出一條獨立既題目去考啲分錄點做。做到錯誤更正既時隨時會牽涉呢課既分錄。至於 Ch.13，有限公司既財務報表有既項目（儲備、留存利潤、股息等等）一定要記熟。見倒債券利息自然地要諗下有冇應計債券利息。計優先股股息同普通股股息唔同一定要記得，亦要小心比法定股本 fake 左你。只要小心，有限公司財務報表題目其實好易滿分。

文字題方面：建議記一記 儲備 vs 準備既分別。2012 同 2013 都未考呢樣野。

Ch.14 比率要背熟是常識吧

Ch.15 會計原則及概念：定義+例子，背漏一樣都唔得。除非你想放棄最易攞既分數。

Ch. 17 - 19：目標 Level 5 以上詳睇，否則略睇。

總括而言，會計呢部份唔係只靠死做爛做背答案。知道自己做緊咩先係最重要。尤其是不完整會計記錄，要好清楚理解自己需要咩未有既資料去完成作業要求。錯誤更正就當然要先瞭解正確既分錄係點樣。唔好以抄答案、背答案既方式去溫會計。一黎辛苦，二黎冇用。

會計呢部份，絕對係一分耕耘一分收穫。係明白概念既前提下肯努力做，必定進步可期！

最後補充一些溫習策略：

很多同學擔心沒有足夠時間溫習所有科目。因此以編制時間表的方式嘗試令自己有時間分配到各科目上。同學們可以嘗試編制時間表，試行兩個星期左右。若發現個人未能跟從時間表所定的時間溫習，可因應個人需要調整，甚至取消採用時間表的打算。時間管理技巧和自制能力比時間表更為重要！

每個人的強弱和目標也不同。我個人是打算爭取通識科考取較高成績以挽救預期成績不理想的中文科。因此花在通識科的時間會較多。個人建議同學在分配溫習時間時多把時間放在有把握的科目，反而平均地分配時間予各科未必是可取的做法。有些科目用一個月的時間可以升 1 個 grade，有些科目花 7 個月時間也未必能有明顯進步。因此同學要運用未來 7 個月時間為自己帶來最大的進步，反而「確保每科也要溫夠」的想法未必可取。

黃庭強

2013 年 DSE 考生